



Broj: 01/04-11-409-5/21
Sarajevo, 15.02.2021.godine

Na osnovu čl.70. Zakona o javnim nabavkama BiH ("Službeni glasnik BiH", broj:39/14), a u vezi sa članom 38. Statuta Grada Sarajeva ("Službene novine Kantona Sarajevo", broj:34/08-Prečišćeni tekst), gradonačelnik Grada Sarajeva, donosi

ODLUKU
o izboru najpovoljnijeg ponuđača putem Pregovaračkog postupka
bez objave obavještenja o nabavci

I

Prihvata se konačna ponuda ponuđača Kamer Commerce d.o.o. ul. Blažujski drum broj 14, 71210 Ilidža, zaprimljena na protokol ugovornog organa dana 12.02.2021. godine, u postupku provođenja javne nabavke putem Pregovaračkog postupka bez objave obavještenja o nabavci za „Nabavka kompjuterske i ugradbene opreme sa uslugom montaže, ispitivanja i potrebnim materijalom u prostorijama objekta bivše SDK, III sprat“.

II

Sa ponuđačem Kamer Commerce d.o.o Sarajevo, zaključit će se Ugovor o nabavci iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj:01/04-11-409-1/21 od 28.01.2021. godine, pokrenut je postupak javne nabavke „Nabavka kompjuterske i ugradbene opreme sa uslugom montaže, ispitivanja i potrebnim materijalom u prostorijama objekta bivše SDK, III sprat“.

Poziv za dostavljanje ponuda upućen je na adrese 4 ponuđača. Istovremeno, poziv za dostavljanje početnih ponuda objavljen je na web strani Grada Sarajeva dana 04.02.2021.godine.

Na zahtjev za dostavu ponude za učešće u Pregovaračkom postupku bez objave obavještenja o nabavci broj: 01/04-11-409-3/21, od 02.02.2021. godine u određenom roku za dostavljanje ponuda, početnu ponudu dostavila su 3 (tri) ponuđača i to: KM Solution d.o.o.Sarajevo, Ice-net d.o.o. Sarajevo i Kamer Commerce d.o.o. Sarajevo.

Otvaranje ponuda obavljeno je na sastanku Komisije za javnu nabavku, imenovane Rješenjem gradonačelnika br:01/04-11-409-2/21 od 28.01.2021. godine, dana 10.02.2021. godine.

Komisija za javnu nabavku izvršila je uvid u dostavljene ponude te je utvrdila slijedeće:

Početna ponuda ponuđača Ice-net d.o.o. Sarajevo, nije prihvatljiva za ugovorni organ jer nije dostavljena u skladu sa tenderskom dokumentacijom. Naime ponuda nije čvrsto uvezana a također nisu stranice brojčano označene.

Početnu ponudu ponuđača Kamer Commerce d.o.o. Sarajevo i KM Solution d.o.o.Sarajevo, dostavljene su u skladu sa tenderskom dokumentacijom.



Komisija je utvrdila cijene početnih ponuda ponuđača koji su dostavili ponude u skladu sa tenderskom dokumentacijom i to kaKo slijedi:

-Kamer Commerce37.696,46 KM bez PDV-a
-KM Solution37.884,95 KM bez PDV-a;

Ugovorni organ je uputio poziv na pregovaranje ponuđačima koji ispunjavaju uslove. Pozivu na pregovaranje odazvao se ponuđač Kamer Commerce d.o.o. Sarajevo, dok je ponuđač KM Solution d.o.o.Sarajevo, obavjestio ugovorni oorgan da oni ostaju pri svojoj cijeni iz početne ponude te da nisu zainteresovani da dolaze na pregovaranje.

Dana 11.02.2021. godine, Komisija je obavila pregovore sa ponuđačem Kamer Commerce d.o.o., gdje je je dogovoreno da ponuđač Kamer Commerce d.o.o. Sarajevo, dostavi konačnu ponudu čija će cijena biti umanjena za 1% od ponuđene početne cijene ponude.

Ponuđač Kamer Commerce d.o.o. dostavio je konačnu ponudu dana 12.02.2021. godine.

Nakon uvida u konačnu ponudu, Komisija za javnu nabavku, sačinila je Izvještaj i Preporuku Gradonačelniku od 12.02.2021. godine, da se ugovor o nabavci „Nabavka kompjuterske i ugradbene opreme sa uslugom montaže, ispitivanja i potrebnim materijalom u prostorijama objekta bivše SDK, III sprat“ dodjeli ponuđaču Kamer Commerce d.o.o. ul. Blažujski drum broj 14, 71210 Ilidža, sa ponuđenom konačnom cijenom u iznosu **od 37.319,50 KM bez PDV-a, odnosno 43.663,82 KM sa PDV-om.**

Gradonačelnik Grada Sarajeva je prihvatio Preporuku Komisije na osnovu koje je donesena ova odluka.

POUKA O PRAVNOM LIJEKU: Protiv ove odluke može se uputiti žalba u pismenoj formi u roku od deset (10) dana od dana prijema iste.

Žalba se podnosi Gradonačelniku Grada Sarajeva, adresa: Grad Sarajevo, Gradska uprava, Hamdije Kreševljakovića 3, kao prvostepenoj instanci u žalbenom postupku.

Gradonačelnik Grada Sarajeva

mr. Abdulah Skaka

DOSTAVITI:

- Ponuđačima
- a/a